



উপজেলা পরিক্রমা

হাজিগঞ্জ JAN 1987

॥ সংবাদদাতা ॥

হাজিগঞ্জ উপজেলা চাঁদপুর জেলার অন্যতম ব্যবসা কেন্দ্র। চাঁদপুর জেলা সদর হতে ১৪ মাইল পূর্বে এ উপজেলা অবস্থিত। হাজিগঞ্জ উপজেলার পূর্বে শাহারাস্তি উপজেলা, পশ্চিমে চাঁদপুর জেলা সদর উপজেলা, উত্তরে কচুয়া ও মতলব উপজেলা, দক্ষিণে ফরিদগঞ্জ উপজেলা ও লক্ষ্মীপুর জেলা। হাজিগঞ্জ উপজেলার আয়তন ৬৯-২২ বর্গমাইল। থানা হতে উপজেলায় উন্নীত হয় ১৯৮৩ সালের ১৫ এপ্রিল। উপজেলাটি ১টি পৌরসভা, ১১টি ইউনিয়ন, ১৩১টি মৌজা ও ১৫৭টি গ্রাম নিয়ে গঠিত।

শিক্ষা

হাজিগঞ্জ উপজেলায় ২টি কলেজ, ১৭টি হাইস্কুল, ১৩টি সিনিয়র ও জুনিয়র মাদ্রাসা, ৯৫টি সরকারী ও ১৭টি বেসরকারী এবং প্রাথমিক বিদ্যালয়, ৫০টি এবতেদায়ী মাদ্রাসা রয়েছে। আলিগঞ্জ প্রাইমারী শিক্ষক ট্রেনিং সেন্টারটি উপজেলা উল্লেখযোগ্য।

কৃষি

হাজিগঞ্জ উপজেলা মোট শস্য জমির পরিমাণ ৬৬ হাজার ৭৮০ একর। অনাবাদী জমি ৮ হাজার ৮০৯ একর, একফসলী জমি ৭ হাজার একর, দু'ফসলী ২৫ হাজার ৩৯০ একর, তিনফসলী ৩ হাজার একর। অধিক উৎপাদনমুখী আউশ ১১ হাজার ৬৬০ একর, আমন ২১ হাজার ৯৯০ একর, বোরো ৭ হাজার ৩৮০ একর, পাট ২ হাজার ২২৫ একর, আলু ১ হাজার ২৫৩ একর, গম ৫ হাজার ২৫০ একর, সরিষা ৪ হাজার ৩৩০ একর। উৎপাদনের লক্ষ্য মাত্রা অর্জন ৭১.৫৮

ভাগ। উপজেলায় মোট কৃষি পরিবার ২৫ হাজার ৫৯৮ জন, সমবায় চাষীর সংখ্যা ২ হাজার ৮শ' জন। কৃষি ব্লক ৩৫। উপজেলায় প্রকল্পের অধীনে জমির পরিমাণ ৪,৬০০ একর। ৭০টি বৈদ্যুতিক মোটরসহ ডিজেল পাওয়ার পাম্পের সংখ্যা মোট ২০টি।

চিকিৎসা

হাজিগঞ্জ উপজেলার আলীগঞ্জে একটি হাসপাতাল রয়েছে। হাসপাতালটি ৩১শ'খ্যা বিশিষ্ট উপজেলা সদরে ২টি পানির ট্যাংকি ও উপজেলায় ২০৭৬টি নলকূপ রয়েছে।

যোগাযোগ

হাজিগঞ্জ উপজেলার মোট কাঁচা রাস্তার পরিমাণ ১২৬ মাইল। রেলপথ ৮ মাইল, বাস সড়ক ১০ মাইল, নদীপথ (ডাকাতিয়া) ৯ মাইল।

সমস্যা

হাজিগঞ্জ উপজেলায় অন্তর্হীন সমস্যা শিক্ষা ক্ষেত্রে রয়েছে। শিক্ষা ভবনগুলো দীর্ঘদিন হতে জরাজীর্ণ অবস্থা রয়েছে। ৩৫টি সরকারী প্রাথমিক বিদ্যালয়ের পাকা দালান ভগ্ন অবস্থায় খসে পড়ার আশংকা রয়েছে এবং ৫৫টি কাঁচা ও টিনের ঘর বিশিষ্ট বেড়াহীন অবস্থায় রয়েছে। শিক্ষা প্রতিষ্ঠানগুলোতে প্রয়োজনীয় আসবাবপত্রের অভাব দীর্ঘদিনের।

চিকিৎসা ক্ষেত্রে উপজেলাটি অনেক পিছিয়ে রয়েছে। কৃষি ক্ষেত্রে যোগ উপযোগী করে গড়ে তোলা একান্ত প্রয়োজন। উপজেলার মসজিদগুলোও অর্থাভাবে সংস্কার হচ্ছে না।